

蜀雅

蜀雅

二窗詞客全集第一種

蜀雅十二卷別集二卷

分訂二冊 實價叁元

著作者

威遠周岸登癸叔

代印者

上海中華書局仿宋活字鑄版

發售處

上海南京路文明書局
國內各大書店



蜀雅勘誤表

卷	頁	行	誤	正
三	三	上十	漿	漿
五	六	上九	全行應低四格	
五	十三	下十	車香	香車
九	十	上一	全行應低四格	
九	十一	上二	寶	寶
十一	七	上二	偏	偏

蜀雅卷八

威遠周岸登道援

南潛詞二

漢宮春戊午元旦新霽

椒酒迎年正梅催曉妝雪融初日鳴笳賽鼓
競入俊游坊陌蘭成賦筆動江關最憐蕭瑟
愁見了春幡綵勝依稀故鄉風色 漂泊舊
京詞客對絲鵝蠟燕旅懷如織書空雁早未
省倦翎猶力深杯漫惜醉邊尋青鸞消息留
夢影釵蘭蒂並著我異時相憶

國香慢賦釵上並頭蘭

服媚傳馨認蜨魂穩並隱約釵盟當年二妃
重見喚起湘靈古怨今情誰託佩環悄仙影
亭亭高懷寄空谷素萼同心愁買傾城折
梅還索笑伴犀簪翠壓螺髻香凝冑襟橫枕
偷染紅淚春冰夢引參差帝樂兩玉童鸞瑄
雙聲貞蕤比金石更祝千年連理朋生

采桑子慢和六生湖舟夜雪

江空歲晚帆背輕鷗飛過帶迴雪攢花飄絮
對舞婆娑櫂艤虛明鬢絲尊酒老關河笛漁

淒唱星槎夢影羞理煙簑 五兩遡風湖光
如練碧浪如羅幻真色山屏百面畫裏滄波
鶴響龍吟步虛仙約兩無何天公玉戲招邀
素女使我顏酡

隔浦蓮近拍和六生湖舟雪夜聞雁
湖天清曠弄影雪重寒相警倦羽依洲瀨平
沙曲絃中領孤旅同泛梗愁邊聽漏短宵彌
永 水雲冷江湖載酒十年塵夢今醒書空
有字字裏客懷誰省知爾梳翎意自迴悲哽
哀鳴如送歸艇

黃鐘喜遷鶯章門元夕了無燈事姚

景之和梅谿元夕韻見示余亦繼

聲

夕陽紅滴映月生霞際眼簾愁隔旆影收虹
燈球簇電隨處綺羅相直厭聽簫鼓鬧還共
惜可憐春色夢華事賸縑紈蠹墨淒斷詞客
無迹但自憶三五帝城柳外喧叢笛鑠院
齊開金吾不禁人影跨鰲澄碧舊游今幾在
誰與說承平經歷暗恨極對劫餘鶯燕飛淚
塵隙

瑞鶴仙收燈節對盆蘭感憶

璫窗蘭氣暖喚玉妃梳洗返魂騷晚春遲楚
天晚記芳馨依舊汜人曾見光風乍轉麝熏
濃清尊共款奈湘波不浣愁襟認取淚綃紅
變腸斷樓心歸夢畫裏吳船柱邊斜雁書
沈路遠釵卜誤鏡盟換想佳人空谷國香遺
恨恨逐瓊芽暗展付瑤琴細寫幽姿露痕自
翦

一枝春瓶梅

月下橫枝罨疎窗半幅瑤臺清景高寒自警

蜀八
未許海棠爲媵冰溪歲晚料無奈翠禽三請
愁負了石帚風懷乍入小紅妝鏡 揚州夢
誰先醒道何郎縱老猶饒詩興龍簫鳳穎試
譜暗香疏影絲闌醉寫倩誰問素娥孤冷休
便遣羌筦橫吹夜遙路迴

雨淋鈴夜窗聽雨孤雁和之客感深

矣因調夾鐘羽平叶一解

寒雨連江暮城嚴鼓倦旅清宵敲枕細數簷
花瀟瀟下窗紙頻敲翠衾冷逼夢驚誤燈影
紅搖甚雁聲偏攪愁人未教到耳已魂銷

還理斷絃翻苦調望神京一髮霾雲表有淚
不灑觚棱嗟予季戢羽天寥信沈道遠怨鴻
響淒絕南譙悵夜永羈緒鰥鰥暗裏青鬢彫

瑞鶴仙倪游匡廬先賦此爲山靈訊

雪晴天子嶂喜劫後山靈似人無恙芙蓉麗
仙掌映湖波遙鬪二姑眉匠非煙下上稅懸
裝蘿局岫幌墜鬢雲五老峯巔俯謝世塵清
曠盈望霞橫山帶日照香鑪瀑翻銀浪星
宮素氅驂鶴駕共來往問餐霞仙侶滄江一
臥事影應勞夢想漫相遭舊楚狂人鳳歌自

響

水龍吟 三村桃花下賦

出門一笑江橫武陵未比天台遠輕舟亂水
吟鞭遙指霞城隱見春在三村一村臨路二
村斜轉看分畦種菜編籬傍柳還疑是玄都
觀休問尋春游伴鎮相憐劫餘鶯燕瑤宮
露井仙山度索華林上苑犬吠劉晨實偷方
朔賞延公幹歎芳菲總被年涯送老更何人
管

臺城路散策尋春經澹臺墓作

斬蛟沈璧何年事茫茫浪淘千古宰樹愁春
高城翳日陳迹難尋抔土懷方去魯有三百
同游道開吳楚友教諸侯載書江介氣如虎
嗟余師訓恨晚亂離嬰世網羈宦貧旅桂
海驂鸞遼陽返鶴空惜雲霄毛羽苔局醅醕
怕呼出精魂劍光猶怒未敢哀時向人談貌
取

掃花游 三村桃花爲風雨所敗獨瓶
供二枝經旬灼灼謚以留春和碧

山叶寵之

水村夢憶正燕苦鶯愁舊林如掃
賸紅最小怕東風誤卻阮郎重到
繡檻圍春看比枝頭更好向誰道
道接葉渡江遺興今少花靜人意
悄恁護暖調寒伴昏吟曉懣情未
了歎瓶邊鏡裏鬢華催老嫩綠新
陰縱目仙源望杳動離抱瑣窗前
厭聞啼鳥

曲游春永寧寺尋娉婷市鍾傳故宅

用草窗韻

信馬東湖上趁浪花嬌鳥來去如
織廢宅何王問娉婷舊市鎖塵無
隙路轉紅橋隔尙暗

想盛時箏笛自上藍院改南平難覓故家春色
古陌殘紅賸碧帶枯柳長堤曾驟金勒
女樂餘姿便招魂再寫紫簫煙冪倦旅逢寒
食弔墜景自排岑寂更與緡僭國春秋削麟
未得

霓裳中序第一紫極宮寫韻軒

璇宮罷夜織弄玉催停驂鳳翼歸去鍾陵舊
宅算唐韻四聲曾傭仙筆瑤臺第一問繡襦
甲帳誰識陪清課疊牋試墨此福最消得
予亦救貧無策歎紙貴硯都價失絲闌愁與

共擘脈望何功字枉三食賦情空自惜况亂
久漂蘊鈿尺雙飛遠江山如夢坐對兩悽惻
蘭陵王弔鄭叔問文焯用清真韻二

解

斷魂直歸訪芝崦瘦碧游仙事空想寓言石
老梅枯照顏色青山換故國爭識鑾坡舊客
江湖夢尋鷺伴漚晞髮陽阿涕盈尺 詞篇
半塵迹歎絞斂斜衾香燼瑤席鵲啼鶻語催
寒食嗟夙世蘭鐻寓公吳苑流風餘韻話置
驛問天弔窮北 心惻素懷積念石帚雲蘿

花外音寂華嚴轉眼悲何極怕鶴帳新鬼告

哀鄰笛滄洲殘畫賸蠹紙淚尙滴

叔問鐵嶺人隸漢軍

旗籍爲蘭坡中丞之子初字小坡光緒乙亥舉人內閣中書詩畫行楷俱入逸品倚聲尤

擅專家詞曰瘦碧曰冷紅曰比竹餘音晚乃芟薙舊刻益以新作總爲茗雅六卷亦名樵

風樂府朱古微復撫其遺爲刻茗雅賸稿

冷吟直愁寫分山斷碧皋橋上重賦五噫佚

老無歸怨春色微箕尙遜國安識青蠅弔客

巫陽下招取散魂雙闕峇堯去天尺孤雲

蕩無迹算幾輩詞仙漚驚分席西山薇苦誰

能食尋一臥江介夢回青瑣沈沈梅訊斷雁